

TABULA 168.

WATSONIA ROSEO-ALBA.

TRIANDRIA MONOGYNIA.

CHAR: ESSENT: *Spatha* adpressa. *Corolla* recurvata: tubo fauce cyathiformi-cylindrica gracilior, limbus sexpartitus subaequalis vel aequalis.

Filam. tubo adnata a fauce libera. *Stigmata* 3, gracilia, bifida.
Caps. rigido-coriacea. *Sem.* plurima oblongiuscula. *Gawler.*

WATSONIA *Roseo-alba*: *Corolla* regulari: tubo spathae fauce limbove duplo longiore: laciniis aequalibus explanatis acuminatis, antheris faucem aequantibus *Gawler Bot. mag.* n. 537.

Gladiolus Roseo-albus: *Corollis* infundibuliformibus; limbi laciniis aequalibus; fauce terete; foliis anguste ensiformibus, obliquis; spathae valvula interiore bifida *Jacq. Hort. Schoenbr.* Vol. 1. p. 7. tab. 13.

Crescit ad Promontorium bonae spei. Floret aprili et maio.

BULBUS subrotundus, depressus, tunica striata fusca vestitus, avellanae magnitudine.

FOLIA plura, disticha, anguste ensiformia, acuta, integerrima, striatula, nervo medio utrinque protuberante, obliqua, erecta, altero margine vaginantia, longiora pedalia.

SCAPUS teres, erectus, foliis brevibus vestitus, foliorum ad minus longitudine.

FLORES alterni, distichi, sessiles, plus minus seni, in scapi extremitate flexuosa, modice distantes.

SPATHA bivalvis, erecta, fuscescens; valvulis lanceolatis, concavis, acuminatis; interiore ad unam tertiam bifida.

COROLLAE tubus cylindricus, gracilis, erectus, spatha paulo longior, roseus. *Faux* infundibuliformis supra tubum ad angulum obtusum incurvatus, colore et longitudine tubi. *Limbi* patentissimi et faucis longitudine lacinae ellipticae, acutae, planae, aequales, albae, in dorso insignitae linea longitudinali rosea.

STAMINA - *Antherae* lineares, declinatae, fuscae, extra faucem prominentes.

PISTILLUM - *stigmatibus* trifidi lacinae bifidae.

Planta magnitudine naturalis.